

# Reglement deilname Liedjesavond 2024

Vastelaovesgezelschap 'de Wortelein'



## 1. Belangrike data

- Sloetingsdatum, -tied inschrieving, **zondaag 28 juli 2024 um 11:11 oor**  
Inlevere bestande via 'Wetransfer' ([www.wetransfer.com](http://www.wetransfer.com)), of e-mail uterlik  
**zondaag 28 juli 2024 um 11:11 oor**
- Rippetitie veurseleksie, **donderdaag 5 september 2024**
- Veurseleksie, **maondaag 9 september 2024**
- Generale rippetitie Liedjesavond, **zaoterdaag 5 oktober 2024 – tied volg nog**
- Liedjesavond: **Zaoterdaag 5 oktober 2024**

### Óg tekste en meziek kint geej insteure

- via e-mail nao: [liedjes@wortelein.nl](mailto:liedjes@wortelein.nl)
- 'Wetransfer' ([www.wetransfer.com](http://www.wetransfer.com))

## 2. Inzende van de liedjes, algemein

1. Insteure, met inachneming van de sloetingsdatum, van alle benuuedighede - teks, en -opname van 't liedje, kinne via e-mail ([liedjes@wortelein.nl](mailto:liedjes@wortelein.nl)) of via 'Wetransfer' ([www.wetransfer.com](http://www.wetransfer.com)) ingestuurd waere;
2. D'n oproop veur de liedjes, danwal de sloetingstermien zal in 'n plaatselik daag- of waekblaad en via de mediakanale van VG 'de Wortelein' bekint waere gemak;
3. De sloetingsdatum. -tied is d'n aangegaeve daag um 11:11 oor;
4. Alle inzenders kriege berich van óntvangs van eur inzending(e). De informatie euver de veurselektie en oefensessies volgt tiedig;
5. Mocht geej taege de verwachting in binne 2 werkdaag nao inzending gen reactie hebbe ontvange, verzeuke weej óg dit door middel van allein 'n tekst e-mail aan [liedjes@wortelein.nl](mailto:liedjes@wortelein.nl) mei te deile;
6. Ein liedje mótt origineel zien van teks en meziek én meug neet ierder aan ein of andere equivalente kompetitie hebbe meigedaon;
7. Tekste dene te waere ingedeend in algemeen beschaaf Bliëricks. As teks of deile heejan neet korrek zien naor meining van VG 'de Wortelein', dan zulle de inzenders heejan op de huuegte waere gebrach en in de gelaegeheid waere gesteld um de teks zoeë meuglik aan te passe.



### **3. De inzending deent te bestaan oet:**

- **Teks** in 'n **'Word bestand'**;
- 'n Opname bestaonde oet **WAV** of **MP3** bestand, in eige behier opgенаome (\*), waorop 't liedje steit in de volgende versies:
  - **Volledige versie (Instrumentaal)**
  - **De verkorte versie (Instrumentaal)**
- Midifile van de orkesband. (optioneel);
- Wannier d'r gen midifile meigeleverd is, wuurt 'n zoë good meugelik klinkend arrangement gemak, raekening haldend met de orkesband.

(\*) *Moch geej probleme hebbe met 't in eige behier make van de opname of met 't arrangement, dan wille weej óch gaer de helpende hand beje. Dit kint geej kinbaar make via 't e-mailadres [liedjes@wortelein.nl](mailto:liedjes@wortelein.nl) .*

### **Veur de verkorte versie gelde de volgende twië meugelikhede:**

1. 't Liedje beginet nao de intro met 't refrein.  
De verkorte versie wuurt dan: refrein – kouplet – refrein – eventueel brök / modulatie – refrein;
2. 't Liedje beginet nao de intro met 't kouplet.  
De verkorte versie wuurt dan: kouplet – refrein – eventueel brök / modulatie – refrein

Op *meziekbestand* en *tekspopeer* meuge GEN name vermeld staon. Óg inschrievung per e-mail wuurt as *aanmeldingsformulier* beschouwd. In de e-mail deent dudelik te waere aangegeave boéte de titel:

- a. Naam, til.nr., adres en e-mail van de komponis;
- b. Naam, til.nr., adres en e-mail van teksdichter;
- c. Naam, til.nr., adres en e-mail van de leadzanger/kontakpersoén (\*).

**Let op:** As d'r 'nne groep zingk, dan gaer van de euverige zangers allein de naam en 't email van dees groepsleje.

(\*) kontakpersoén geldt veur ós as iérste aanspraakpunt.

### **4. Veurschrif ten aanzeen van 't liedje**

1. As 'n liedje gekaoze is um door te gaon nao de Liedjesaovend, dan meug dit neet mier tekstueel of instrumentaal gewiezig waere. De inzending is dan zoëdanig bindend in 't gehiële vervolgtrajek;
2. T.a.v. de lingkte van 't liedje geldt de beperking det max. 3 koeplets en 1 refrein gezónge meuge waere, waorbeej VG de Wortelein zich 't rech veurbeheld um, i.v.m. de samestelling van de geluidsdrager, 1 koeplet te laote vervalle.



## **5. Veurschrif t.a.v. teksdichter en/of komponis**

1. 'nne Teksdichter(es) en/of komponis meug met 'n ongelimiteerd aantal inzendinge aan de veurselektie meidoon;
2. De liedjes meuge allein ónder eige naam van teksdichter en komponis waere ingedeend, dae is bindend.

## **6. Veurschrif t.a.v. zanger/oetveurende**

1. De zanger meug maximaal 3 kiér as oetveurende aan de veurselektie meidoon;
2. De minimum laeftiēd veur deilname is 16 jaor;
3. De veur 'n liedje opgegaeve naam van de oetveurende persoën is bindend (\*);
4. Liedjes kinne door maximaal 6 persoeëne waere geprissenteerd, waorbeej eventueel óndersteuning van 'n koer is toegestaon, nao oetdrökkelike toestumming van VG 'de Wortelein' (beej inschrievung danwal veuraaf permissie aanvraoge via 'n e-mail aan [liedjes@wortelein.nl](mailto:liedjes@wortelein.nl)).

(\*) *Allein beej euvermach kint ein wiezigingsverzeuk ingedeend waere, waobeej 'VG de Wortelein' 'de maote van euvermach bepaolt en of 't wuurt gehonoreerd.*

## **7. Veurselektie, algemein**

1. Veuraafgaond aan de veurselektie zal 'n rippetitie-aovend gehalte waere;
2. Toegang tot de rippetitie -aovend en veurselektie hebbe allein de teksdichter, komponis en oetveurende. Vaerder de vakjury, technicus (aangesteld door VG 'de Wortelein'), de arrangeur, 't bestuur en leje van VG 'de Wortelein' die vanoet eur taak daorveur zien aangeweze;
3. De volgorde van de liedjes op de veurselektie zal door VG 'de Wortelein' waere bepaold. Discussie heejeuver is neet meugelik;
4. De liedjes zulle 2 x waere gezónge, waorbeej in de 2e rónde 'n verkorte versie;
5. Oet alle vertolkte liedjes waere d'r 11 liedjes gekaoze door 'n stumgerechtigde vakjury, die oet 7 persoeëne besteit. De 7-koppige jury is door VG 'de Wortelein' samegesteld;
6. Nao d'n oetslaag zal door loeting de volgorde van optraeje op de Liedjesaovend waere vasgesteld, waobeej VG 'de Wortelein' zich 't rech veurbeheld um de volgorde te verandere, as dit 'n baeter verloup van de Liedjesaovend tot gevolg zal hebbe.

## **8. Liedjesaovend 2024**

Tiedes de Liedjesaovend 2024 wuurt gebroek gemak van de door VG 'de Wortelein' geaccoerde geluudsbande. Deze waere uterlik ein waek veuraafgaond aan de Liedjesaovend beschikbaar gesteld / vreejgegaeve. VG 'de Wortelein' pretendeert geliekwaerdige geluudsbande. Ouk de in eige beheer gemaakte opnames kinne heejveur in aanmerking komme, mits deze voldoon aan de gestelde norm.V.G. 'de Wortelein' stelt 'n eige arrageur aan



moch de geluudsband neet toereikend zien.

1. De Liedjesaovend zal plaatsvinde op 'n door VG 'de Wortelein' te bepaole datum en tiedstip;
2. De liedjes waere gezónge (wie op de veurselektie) in 2 róndes. Waobeej in de 2e rónde de verkorte versie, wuurt oëtgeveurd;
3. Alle deilnemers verplichte zich beej eur optraeje te verschiene in gepaste, gen aanstoetgaevende kleiding. Spijker- of vrejetièdskleier waere as óngepas beschouwd;
4. Beïnvloeding van vakjury en/of publiek door middel van kleiding, attribute, in welke vorm dan ouk, is neet toegestaon;
5. De indoetslaag zal tot stand kómme op basis van de jury-beoordeiling(e) (\*);
6. 't Oetgebrachte puntetotal van de jury(s) zal nao telling aan 't publiek kinbaar gemak waere;
7. Zoeë kómme weej tot de 4 winnende liedjes met de nummers 1, 2, 3 en 4, die dan ouk zoeëdanig waere oetgebrach. Taeves waere de plaatsnummers 5 t/m 11 bekind gemak.

(\*) *Veuraafgaond aan de Liedjesaovend zal aan de kontakpersoeën waere meigedeild wie de jurering definitief zal plaatsvinde.*

## **9. Verplichtinge van de winnaers (Liedje 1 t/m 4)**

1. Alle winnaers (1 t/m 4) verplichte zich alle door 'VG de Wortelein' georganiseerde evenemente van 't betreffende vastelaovesseizoen 2024/2025 op te luustere, veur zoëvaer 'VG de Wortelein' det nuuëdig ach. Te raekene is met (o.v.b.):
  - Inschete
  - Debuut
  - Swaree
  - Zonnedaag
  - Gaejerpräsentatieve
  - Dames- en Hierezitting
  - Senioren zitting
  - KinderFamilieZitting
  - Receptiezónndaag
  - Groët Gala Worteletruu (allein liedje 1)
  - Vastelaoveszónndaag
  - Rouse in 't Raodhoes (Vastelaovesmaondaag)
  - Vastelaovesdinsdaag
2. Alle winnaers verplichte zich tied te risservere um alle rippetties beej te woëne, die nuuëdig zien veur 'n good verloop van eur optraeje;
3. Alle winnaers verplichte zich beej eur optraeje te verschiene in gepaste, gen aanstoetgaevende kleiding. Spijker- of vrejetièdskleier waere as óngepas beschouwd.



Op 't Swaree en 't Groët Gala Worteletruij waere de hiere geach in smoking en de dames in aovendkleiding te verschiene;

4. Liedje 1 t/m 4 waere waere opgenaome beej Marlstone Studio in Ulestraten. De Rechte van 't liedje zien van 'VG de Wortelepin';
5. De opgenaome nummers meuge door Marlstone Studio geplaats waere op eur jaorlikse cd "Vastelovend van Eijsde tot de Mookerhei". VG 'de Wortelepin' haet gen invloed op de plaatsing;
6. Door inzending van 'n liedje en door deelneming aan veurselektie en/of Liedjesaovend, gaon de deelnemers akkoord met de veurwaardes, gesteld in dit reglement.

## 10. **Algemein**

**VG 'de Wortelepin' helt zich 't rech veurbehalde de opzet van de Liedjesaovend 2024 te wijzige mocht dit door umstandighede noedzakelik geach waere.**

In zake waorin dit reglement neet veurzuut, beslist de Organisatie Kemissie van 'VG de Wortelepin'.

Heb geej vraoge, hetzij euver meugelikhede, onduidelikhede of andere zake, dan kint geej kóntak opneme met Joyce Smeets, til.nr. 06-34315466 of e-mail: [liedjes@wortelepin.nl](mailto:liedjes@wortelepin.nl).

